

八

編

類

纂

八編類纂卷之十五

右編

六曹類

吏曹

外職

漢家多吏
治嚴惡中
材自守

漢家至德溥夫宇內萬里立置郡縣部刺史奉使典
州督察郡國吏民安寧故事居部九歲舉為守相其
有異材功効著者輒登擢秩卑而賞厚咸勸功樂進
前丞相方進奏罷刺史更置州牧秩真二千石位次
九卿九卿闕以高第補其中材則苟自守而已恐功
效陵夷奸軌不禁臣請罷州牧置刺史如故

朱博請
復刺史

奏

昨庶所繫國家之本務本務之職反爲好進者所輕承弊之人每遭非才者所援陛下聖化從此不宜皆由不重親人之選以成其弊而欲天下和洽固不可得也欲理之本莫若重刺史縣令此官誠重智能者可行正空懸以科條定其資歷凡不歷都督刺史有高第者不得入爲侍郎列卿不歷縣令有善政者亦不得入爲臺郎給舍雖即遠處都督刺史至于縣令以次差降以爲出入亦不得十年頻在京職又不得十年盡任外官如此則內外理通萬姓獲安

張九齡上封事

竊嘗見虞書二載考績三考黜陟幽明是則必俟九年方有進退然其所進者或自側微而納於百揆雖久於任復何病哉漢制部刺史秩六百石郡守秩二千石刺史高第者即遷爲郡守郡守高第者即入爲九卿從九卿即入爲亞相相國是乃從六百石吏而至台輔其間所歷者三四轉耳久在其任亦未失宜近代建官漸多列級逾密今縣邑有七等之異州府有九等之差同謂省郎卽有前中後行郎中員外五等之殊並稱諫官則有諫議大夫補闕拾遺三等之別洎諸臺寺率類於斯悉有常資各須循守若依唐

虞故事咸以九載爲期是宜高位常苦於乏人下寮每嗟於白首三代爲理損益不同豈必樂於變易哉蓋時勢有不得已也

李贊論朝官闕員及
刺史改轉倫叙狀

今民方怨而未甚叛去空急救之救之之術莫若守宰得人欲守宰得人請召二府通選轉運使如不足許權擢知州舉旣得人即委逐路自擇知州不任事者奏罷之仍令權擢幕職官如是行之必舉皆得人凡權入者必俟政績有聞一二年方真授之雖以精擇尚慮有不稱職者必有降黜直俟人稱職而後已仍令久其官守勿復數易其有異政者空就與升擢

之

范仲淹論轉運得人許自擇知州

方今言事者多以高論見弃或以有害難行如臣所言只是選十餘人明幹朝臣察視官吏善惡灼然有迹易見者著之簿籍朝廷詳之黜其甚者耳

歐陽修論按察

狀

官吏

乞盡罷諸路提舉官其轉運使除河北陝西河東外餘路只置使一員判官一員提點刑獄分兩路者合爲一路共差文臣兩員凡本路錢穀財用事悉委轉運司刑獄常平兵甲賊盜事悉委提點刑獄管勾仍選知州已上資序累經親民差遣所至有政迹聰明

公正之人方得爲監司聰明則知官吏賢不肖公正則黜陟無私部下官吏既皆得人事務安有不幹集百姓安有不富庶此乃國家鎮撫四方之本也若以提舉官累年積蓄錢穀財物不少恐轉運司一旦得之妄有耗散即乞盡椿作常平倉錢物委提點刑獄一面交割主管依常平倉法謹俟穀價賤糴貴糶及准備災傷賑貸其餘不得支用若轉運司委的窘乏須至允那常平錢物者必須具數先奏朝廷得旨乃得移牒支撥若以監司數少路分濶遠處巡歷及管勾不便即乞只依舊法每歲徧巡諸州更不徧巡諸

縣自非切要大事朝廷不令監司親往勾當只令選差本部官除司理司法縣尉獨負監當之類舊條不許差出外其舊條不得隔州差遣人勾當差及被差之人皆有罪新條諸州管勾官及主簿當給散月分不得差出之類

同馬光乞罷提舉官狀

謹按命秩之載於甲令者有職事官焉有散官焉有勲官焉有爵號焉雖以類而分其流有四然其掌務而授俸者唯繫于職事之一官以序才能以立賢德此所謂施實利而寓之虛名者也其勲散爵號三者所繫大抵止於服色資蔭而已以叙崇貴以甄功勞

此所謂假虛名以佐其實利者也。虛實交相養故人
不賣賞輕重互相制故國不廢權今之貢外試官頗
同勲散爵號雖則授無費祿受不占貢然而突鉅鋒
排患難者則以是賞之竭筋力展勤效者又以是酬
之其爲用也可謂重矣今或捧瓜一器挈果一盛亦
授試官以酬所獻則彼突鉅鋒而竭筋力者必相謂
曰吾以忘軀命而獲官此以進瓜果而獲官是乃國
家以吾之軀命同於瓜果矣

歐陽修論進瓜果不當擬官

臣聞去年十月中曾有臣察上言乞今後大臣廝僕
不得奏薦班行勅旨邠下纔三四月已却用呂夷簡

僕人表宗等二人爲奉職夷簡身爲大臣壞亂陛下
朝政多矣苟有利於其私雖敗天下事尚無所顧况
肯爲陛下惜法但朝廷自宜如何今一法纔出而爲
大臣者先壞之

歐陽修論呂夷簡
僕人不當授官

臣聞治天下者在知用人之先後而已用人之法各
有所宜軍旅之士先材能朝廷之士先名節軍旅主
成功惟恐其不趨賞而爭利其先材能而後名節者
亦勢使之然也朝廷主教化風俗之薄厚治道之污
隆在乎用人而教化之於下也不能家至而諄諄諭
之故常務尊名節之士以風動天下而聲勵其媮薄

歐陽修論包拯不當代宋祁為三司

試之以治獄雖足以見其鈎深練覈之能攻摘斷擊之用正可試諸能吏非所以盡儒者之事業徒使四方之人謂朝廷以儒術之賢進之以獄吏之事試之則抱道修潔之士益難自進矣

程頤論張載不當遣按獄

謹案六典中書舍人之職凡詔旨制敕皆案典故而起草制敕既行有悞則奏而正之故前後舍人論列差除用典故而蒙改正者非一今三院御史須舉學士薦舉朝臣乃典故也或不應此其敢無言去歲以京官除授所以無言者以前有詔令故也今若先立

宋初臺官

謝人命學

十一頁獨

宋仁宗時

今三人共

舉三人為

衆也

官制未敢具草

蘇頌徽李
定詞頭疏

定制許於幕職官中選擢三院則臣等復有何言而敢違拒邪若臣上懼嚴誅視顏起草誠慮門下封駁不肯放過縱門下不舉則言事之臣必須重有論列或定畏義固執不敢祇受是臣一廢職任而致論議互起煩瀆聖聽則臣之罪戾歟有餘責所有李定除臣聞聖王之功在於得人孔子曰才難不其然乎故繼世立諸侯象賢也雖不能進賢天子爲擇正立命卿以輔之居是國也累世尊重然後士民之衆附焉是以教化行而治功立今之郡守重於古諸侯往者

致選賢材賢材難得拔擢可用者或起於囚徒背魏尚坐事繫獄文帝感馮唐之言遣使持節赦其罪拜爲雲中太守匈奴忌之武帝擢韓安國于徒中拜爲梁內史骨肉以安張敞爲京兆尹有罪當免黠吏知而犯敞敞收殺之其家自寃使者覆獄劾敞賊殺人上逮捕不下會免亡命數十日宣帝徵敞拜爲冀州刺史卒獲其用前世非私此三人貪其材器有益於公家也孝文時吏居官者或長子孫以官爲氏倉氏庫氏則倉庫吏之後也其二千石長吏亦安官樂職然後上下相望莫有苟且之意其後稍稍變易公卿

以下轉相促急。又數改更政事。司隸部刺史察過悉劾。發揚陰私。吏或居官數月而退。送故迎新。交錯道路。中材苟容求全。下材懷危內顧。一切營私者多。二千石益輕賤。吏民慢易之。或持其微過。增加成臯。言於刺史司隸。或至上書章下。衆庶知其易危。小失意則有離畔之心。前山陽亡徒蘇令等從橫。吏士臨難莫肯伏節死義。以守權威權素奪也。孝成皇帝悔之。下詔書二千石不爲縱。遣使者賜金慰厚其意。誠以爲國家有急。取辦於二千石。二千石尊重難爲。乃能使下。孝宣皇帝愛其良民。吏有章劾事。留中會赦。一

曰復可也

解故事尚書希下章爲煩擾百姓證驗繫治或或獄
中章文必有敢告之字乃下惟陛下留神于擇賢記
善忘過容忍臣子勿責以備二千石部刺史三輔縣
令有材任職者人情不能不有過差安可開略令盡
力者有所勸此方今急務國家之利也前蘇令發欲
遣大使逐問狀時見大夫無可使者召蓋屋令尹
逢拜爲諫大夫遣之今諸大夫有材能者甚少安豫
畜養可成就者則士赴難不愛其死臨事倉卒乃求
非所以明朝廷也嘉因荐儒者公孫光蒲昌及龍吏
蕭咸薛修等皆故二千石有名稱天子納而用之公薦

徐述等疏
王嘉

臣聞爲國所重必在得人報恩之義莫大薦士竊見
臣府西曹掾齊國吳良資質敦固公方廉恪躬儉安
貧白首一節又治尚書學通師法經任博士行中表
儀室備宿衛以輔聖政臣蒼榮寵絕矣憂責深矣私
慕公叔同升之義懼於臧文竊位之罪敢秉愚瞽犯

冒嚴禁

東平王蒼
薦吳良疏

臣聞三公上則台階下象山岳股肱元首鼎足居職
協和陰陽調訓五品考功量才以序庶僚遭烈風不
迷遇迅雷不惑位莫重焉而今上司缺職未議其人

臣竊差次諸卿考合衆議咸稱太常朱伋少府荀遷
臣父寵前忝司空伋遷並爲掾屬具知其能伋能說
其經書而用心偏狹遷嚴毅剛直而薄於藝文伏見
前司徒劉愷沈重淵懿道德博備克讓爵土致辭弱
策躬浮雲之志兼浩然之氣頻歷二司舉動得禮以
疾致仕側身里巷處約思純進退有度百僚景式海
內歸懷往者孔光師丹近世鄧彪張酺皆去宰相復
序上司誠空簡練卓異以厭衆望

陳忠薦
劉愷疏

臣前後七表言故合浦太守孟嘗而身輕言微終不
蒙察區區破心徒然而已嘗安仁弘義耽樂道德清

濟桓帝時
 介浦郡不
 產珍寶而
 海出珠寶
 先時守宰
 並多貪穢
 珠遂徙于
 文趾郡界
 於是行旅
 不至人物
 無資貨者
 然此子一
 到官後易
 而暇求以
 利病未除
 歲去珠復
 還百姓謂
 為神明以
 病自上祿

行出俗能幹絕羣前更守宰移風改政去珠復還饑
 民蒙活且南海多珍財產易積掌握之內價盈兼金
 而嘗單身謝病躬耕壟次匿景藏采不揚華藻實羽
 翮之美用非徒腹背之毛也而沉淪少養好爵莫及
 廊廟之寶弃於溝渫且年歲有訖桑榆行盡而貞忠
 之節永謝聖時臣誠傷心私用流涕夫物以遠至為
 珍士以稀見為貴槃木朽株為萬乘用者左右為之
 容耳王者取士宜拔衆之所貴臣以斗筭之姿趨走
 日月之側思立微節不敢苟私鄉曲竊感禽息亡身
 薦賢揚益薦

後當遂吏
民攀車請
之乃載鄉
民舡夜遁
去隱楚窮
澤身自明
備時尚書
同郡楊喬
書荐作

臣伏見陛下仁聖聰明優容諫諍雖有狂直之士犯
顏色而觸忌諱者未嘗不終始保全徃徃亟加擢用
此自古明君賢主之所難也然而用言既難獻言者
亦不爲易論小事者既可鄙而不足爲陳大計者又
似迂而無速效欲微諷則未能感動將直陳則先忤
貴權而旁有羣言奪于衆力所陳多未施設其人遽
已改遷致陛下有聽言之勤而未見用言之效頗疑
言事之職但爲速進之階蓋緣臺諫之官資望已峻
少加進擢便履清華而臣下有厭人言者因此亦得
進說直云此輩務要官職所以多言使後來者其言

公若安石
亦無益者

益輕而人主無由取信。孤陛下納諫之意。違陛下賞
諫之心。臣以謂欲救其失。惟宜擇沉默端正守節難
進之臣。置之諫署。則既無干進之疑。庶或其言可信。
伏見殿中丞王安石。德行文學。爲衆所推。守道安貧。
剛而不屈。司封員外郎呂公著。是夷簡之子。器識深
遠。沉靜寡言。富貴不染其心。利害不移其守。安石久
更吏事。兼有時才。曾召試館職。固辭不就。公著性樂
閒退。淡於世事。往年陛下上遵先帝之制。增置臺諫
官四員。已而中廢。復止兩員。今諫官尚有虛位。伏乞
用此兩人補足。四員之數。必能規正朝廷之得失。裨

益陛下之聰明

歐陽修薦王安石呂公著

免辭

此在漢則著之

勤而不息亦怨。勞而不休亦怨。怨恨之師難復責功。臣伏觀將帥之情。功臣之望。冀一休足於內郡。然後即戎出命。不敢有恨。臣愚以爲師克在和。不在衆。陛下雖垂念北邊。亦當頗泄用之。管湯武善御衆。故無忿驚之師。陛下起兵十有三年。將帥和睦。士卒鳧藻。今若使公卿郡守出于軍壘。則將帥自厲。士卒之復。比於伯衛。則戎士自百。何者。天下已安。各重性命。大臣以下。咸懷樂土。不辭其功而厲其用。無以勸也。陛下誠宐虛缺。數郡以俟振旅之臣。重復厚賞。加于久。

役之士。如此緣邊屯戍之師。競而忘死。乘城拒塞之
吏。不辭其勞。則烽火精明。守戰堅固。聖王之政。必因
人心。今猥用愚薄。塞功臣之望。誠非其宜。杜詩辭
大郡疏

宣帝漢之英主也。以片言而誅楊惲。太宗唐之興王
也。以單詞而殺劉洎。自古忠臣烈士。遭時得君而不
免於禍者。何可勝數。而臣獨蒙皇帝陛下始終照察。
愛惜保全。則陛下聖度已過於宣帝太宗。而臣之遭
逢亦古人所未有。日月在上。更何憂虞。但念世之憎
臣者多。而臣之賦命至薄。積毀銷骨。巧言鑠金。市虎
成於三人。投杼起於屢至。倘因疑似。復致人言。至時

雖欲自明陛下亦難屢赦。是以及今無事之日。少陳危苦之詞。晉王導乃王敦之弟也。而不害其爲元臣。崔造源休之甥也。而不廢其爲宰相。臣與反者義同。路人獨於寬大之朝。爲臣終身之累。亦可哀矣。凡今游宦之士。稍與貴近之人。有葭莩之親。半而之舊。則所至便蒙異待人。亦不敢交攻。况臣受知於陛下中興之初。効力於衆人未遇之日。而乃毀譽不忌。踐踏無嚴。臣何足言。有辱天眷。此臣所以涕泣而自傷者也。

蘇軾代滕甫辨
謗乞郡劄子

中國莫如用賢。用賢莫如歷試。歷試莫如責功。責功

莫如較考。况三考之典出自唐虞。固善之科。樂於令
式。當治世之激勸。不問公卿。而近世以因循止及州
縣。遂使居官食祿。賢愚無分別之因。冒寵挾私。升出
有泛濫之弊。厥官徒設其器。若虛。凡庭揖以庭趨。但
旅進而旅退。由是職皆不舉。人盡偷安。若不法於舊
章。恐轉隳於庶務。臣欲起請。今後除節察防禦團練
刺史及武臣等。蓋必戰伐立効。祿位酬勲。凡公事仰
委官吏。擬舉外。伏請先自宰相次百執事。至于賓客
僚佐等。皆請逐歲書考。所冀事皆師古。理得從長。退
不肖而進賢才。更無疑慮。勸奉公而修職業。各盡罷

能倘書考之請遂行則太平之期可待

趙普請行
自官考績

其甚也大臣莫肯任事而坐觀勝負者攘臂于其間
反爲得策故其禍變不可勝道且以金人觀之自用
兵以來其謀議任用之人亦嘗有所改易否乎所謂
黏罕幹離不者皆握兵十餘年其威信足以用其衆
而吾以驟進亟罷之將帥大臣當之安乎不能取勝
也譬猶奕者置碁不定不足以勝敵况於用人不知
信任之道而欲撥亂反正以捍大患以圖中興豈可
得哉伏望陛下於選任將帥大臣之際精加考擇得
其人則久任而責成功勿爲細故之所搖勿爲小人

之所間。則天下之事庶乎可爲也。

李綱議責成

後世號漢宣帝爲能行責實之政。然以臣論之。徒役役焉。旦夕程其文書。殿最之課耳。高才賢士。欲自有以建立。終不可得。至於法令細密。器械精巧。此特百工俗吏之所能爲者耳。責羣臣以百工俗吏之所能爲。而又親持權柄。以行其雜霸之道。臣主俱勞。而善政益衰。烏覩所謂實耶。是之謂失實。東漢之末。名在下。下以名高。取必於上。上不能堪。因而害之。兩晉之世。名在上。上取清談。不事之名。位爲三公。而無職可舉。江左相承。專尚名品。而下皆有傲誕矜侈之意。無

益於治。是之謂失名。天下望治。如醒者之願醒。痛者之願痊也。十四五年矣。而羣臣百官。未知名實之所。在。獨若之何哉。雖然。臣以爲今天下之治。則亦有意於爲實也。而未知其所以爲實。何者。今之所謂實者。不過若漢宣帝耳。夫擇天下之賢才。與之共政。而乃欲責之以百工俗吏之所能。彼安肯俛然爲之耶。俛然爲之者。百工而已耳。俗吏而已耳。上之所授用。所貴幸。所驟取。而後退。皆以退。而今且進者。皆可得而考也。況其有未及宣帝者乎。彼其誠所謂實者。固且不出於今之實也。而上不答焉。怒其不爲實。而不喜。

其爲名又從而廢之是以廉退者不任焉。骨鯁者不任焉。蘊籍溫雅沉厚老成以局度器識自許者舉不任焉。故諫官御史或無人焉。翰墨制誥或無人焉。太者至于丞相之位或無人焉。是其無人也。則曰羣臣百官之不足用也。不足用則上不免於自用。然則今之世舉羣臣百官以爲不足用而上自用也。非所以聲天下也。非所以威夷狄也。非所以消奸雄而防未然也。夫所貴乎人主者以天下皆爲已用而已。不必自用自用則人主尊而其國威失實與名則幾乎輕。嗚呼若是者其無以一人而使不失乎。

葉適官法上論考證

管國家制爲枉法不枉法之例。今則枉法者除名不叙。不枉法者並殿三年。制法雖明。而犯者未已。終不能禁其萬一也。在管有刺配籍沒之法。文其面。則終身不齒於鄉里。籍其資。則全家不免於飢寒。治賊吏無出此法之善也。然朝廷未嘗無刺籍之法。加緊朝宰執近臣。多已被罪籍沒。豈此法獨行之隨朝。而不可行之外任。又兼有強盜刺額。竊盜刺臂之法矣。其賊吏之害及百姓。尤甚於強竊盜之害。止於一家一人而已。豈此法獨施之強竊盜。而不可施之賊吏。彼之受賊不顧者。將以肥其身。利其家。養其妻子。而

吏

以士大夫無
以士大夫無

使身陷刑戮。田宅爲空。妻子不保。雖不除名。不殿三
年。亦不輕於干禁也。今後無分內外大小官吏。但見
賊狀明白者。吏則刺面配役。官則免刺流徙。所有家
財田宅奴婢。並令盡數沒官。庶賊吏知憚而犯鮮矣。
鄭介夫定刑
債以剔貪廉

何謂吏胥之害。從古患之非直一日也。而今爲甚者。
蓋自崇寧極於宣和。士大夫之職業。雖皮膚蹇淺者。
亦不復修治。而專從事于奔走進取。其簿書期會。一
切惟吏胥之聽。而吏根固窟穴權勢。薰炙濫恩橫賜。
自占優渥。比渡江之後。文字散逸。舊法往例盡用省。

記輕重予奪惟意所出其最驕橫者三省樞密院吏部七司戶刑若它曹外路從而傲視又其常情耳故今彌爲公人世界又以官無封建皆指實而言也且公卿大臣之位其人不不足以居之俛首刮席條令憲法多所不諳而寄命于吏此固然也然雖使得其人而居之如管之所謂伊尹傳說之儔而以夫區區條令憲法仍爲不曉而與是東人共事終亦不可然則今世吏胥之害無問乎官之得其人與不得其人而要以爲當革而已矣府吏胥徒自有國以來所同有也然必有上不侵官下不病民以自治其事而聽命

焉而秦漢之敝法屈天下之豪傑爲筆選而三公今幸已甄別品流而其餘敝盡去且又皆以天下經常之事立爲成書以付之彼吏得知之而官不得知焉此其爲害又過於秦漢何者今百司之吏其爵其祿往往有士大夫之所不敢望漢之公府掾諸卿主事辟召皆天下名士其權柄足以搖守相者今所謂都祿錄行首主事之類是也此直以鞭撻刑戮待之而高爵厚祿若是何哉今官冗而無所置之士大夫不習國家臺省故事一旦冒居其位見侮于吏今胡不使新進士及士子之應仕者更迭爲之三考而

滿常調則出。官州縣才能超異者或遂錄之。若此則有三利。士人顧惜終身畏法尚義受財鬻獄必大減少。吏曹清則庶務舉。且因以習士大夫使之有材而無至于今世之儉惰一利也。更迭爲之無根固窟穴之患。無保引私名之敝。而封建之勢因以去矣。二利也。增貢百餘。稍去冗官之患。待缺擇地爭奪伺候之風亦漸衰息。三利也。得三利去三害。此亦非有勞民動衆之難者。京師紀綱之首。吏曹清則諸司州縣之吏蠹亦必少異於今日。蓋結托于請有所不行。于衆事整齊簿書不爲疑翫。則下亦知畏。故也。

八編類纂卷之十六

圖書編

六曹類

吏曹

人君代天子民故曰天子冢宰不過天子家相耳名曰天官豈尊之以空名哉蓋冢宰百官之長百政所從出也雖太宰少宰內宰宰夫各有攸司凡外而王朝中而王宮上而九重之闕失下而庶寮之臧否皆其所統也夫無所不統者天也天官之職得而司之無非奉若天道佐天子以統理天下之治也

吏曹總敘

虞官制

九官

司空 后稷 司徒 士 工 虞 秩宗 典樂 納言

十有二牧

冀州牧	兖州牧	青州牧	徐州牧	楊州牧	營州牧
并州牧	豫州牧	雍州牧	梁州牧	荊州牧	幽州牧

禹長於水土之平不耻其不善明刑設舉禹明刑恐
未必如皋陶而以治水責之皋陶想未必愈於禹也
稷長於百穀之播不耻其不善敷教設舉稷敷教恐
未必如契而以播穀責諸契想未必優於稷也是以
群聖人之德而其長不相兼且終身未聞其兼官亦
未聞其改官也故德懋懋官舉能其職終生不更其
所長如史遷之終於史韓柳之終於文李杜之終於
詩各以一長名家群聖人不能兼者責備於一人卽
平日未嘗問學者取辦於一旦上之人不問其能與
不能而任之官下之人不自知其能與不能而當其

事。上下蒙昧。苟且塞責。知人者誰乎。安民者誰乎。虞官

制論

周官三公六卿圖

八編類纂
卷十六
更書

太師

成王時則周公
繼以畢公康王
仍用畢公
宣王則皇父

少師

二少
未詳

大宰

成王時召公兼
其屬六
十三
王則君牙幽王
則鄭桓公及其
其屬七
十八
之

司徒

成王時形
其屬六
十九
伯為之
成王時畢
公兼宣王
其屬六
十七
父

宗伯

成王時形
其屬六
十九
伯為之
成王時畢
公兼宣王
其屬六
十七
父

司馬

成王時形
其屬六
十九
伯為之
成王時畢
公兼宣王
其屬六
十七
父

司寇

成王時先顧
其屬六
十四
公兼生繼衛
其屬六
十九
公兼

司空

成王時毛
其屬六
十九
公兼
凡稱公三
公兼之
稱爵諸侯為之

太傅

成王時初用
畢公末毛公
按顧命毛公
召畢二公既
二人為師保
則毛為傅矣

少傅

疑官
不流

太保

成王
武王
並召公少保
康王

少保

胡安國曰古者三公無其人則以六卿之有道者上兼師保之任。冢宰或缺亦以三公下行端揆之職。禹自司空進宅百揆。又曰作朕股肱耳目。是以宰臣上兼師保之任也。周公爲師。又曰位冢宰。正百工。是以三公下行端揆之職也。所以然者三公與王坐而論道故惟其人而冢宰統百官均四海亦不易處也。三

六卿
圖論

我朝官制公孤六卿大略與周相似。不惟廊廟以六典建官。而內外各官亦莫不以六典視事。漢唐宋殆不侔矣。特成周以卿三物立教。則其所謂學者端

是

論道難
之矣

有出於舉業之外也。今士君子其學之平居與設施
於民上者，視成周爲何如？按公孤之職，夏商以前未
有也。其名始於此者，舜命禹總百揆，高宗爰立傳說
作相，則周前未聞有是名矣。噫！立公孤而以六卿兼
之，是卽揆相之任歟？我朝稽古定制，革去前中書
省，倣六典立六部，而公孤之職間以六卿兼之，亦成
周意也。噫！近時祇爲武職兼官，死後贈典果盡得周
官之意歟？則官
總論

雖天子必有師也，以有尊也；必有弼也，以有輔也；主
於道不及以政，然後志凝於神而專之。於道通神易

後世熾宰
相無權是
不知論道
之職也

之原調精祿之微是治安之本也。卿各專其職。如視聽持行。各專其一。而政可舉也。卿各率其屬。如棖條檐楹。共奏其功。而室可程也。內者外之綱。近者遠之望。卿分職率屬。王朝邦畿。濟濟翼翼。而後九牧有倡也。故六卿治之綱也。九牧不著何也。牧伯君道也。且列爵五分土。三武成前定之矣。公孤六卿總論以師保之尊。而復尸宰司之事。則胡以平政。是明聖之所不處也。任六卿之務。而復議調燮之道。則何以凝道。是明聖之所不能也。且王者之于道也。許謨密勿。靡息而豫怠焉。師保傅者。時省微而輔範以一之。

于道者也。蓋簪者武王克殷甫下車訪箕子受洪範
焉。踐阼三日就師尚父齋宿三昃行西面再拜受冊
書焉。而一不備其官。將王德無于此闕乎。是明聖之
所不爲也。謂官不必備者難其人。卽不必具備可也。
而何可一無設也。故三公不設而以爲兼官。若加官
也。周季世之事非公本所爲建官意也。周禮六官原

成周官制

宰夫

天官冢宰宰夫掌之

宰夫

太僕

夏官司馬太僕掌之

小宰

秋官

司寇掌之

一曰內宰

一曰大宰

燕

內朝

中

路朝

外

朝士

朝

小臣

朝

司士

朝

正之

正之

正之

夏官

夏官

秋官

小宰掌官刑以貳大宰宰夫掌朝法以貳小宰皆通
內外之官也故太僕傳言於宰夫宰夫傳言於小宰
小宰傳言於太宰又有內宰雖掌治王內之政令亦
屬於太宰以此見周之宮中府中實合于一理也自
內之王宮言之小宰既建邦之官刑治宮之政令舉
宮之糾禁憲禁宰夫又以法制群吏之警戒令宮中
之職事書宮中之良能其於治內之法無不致其嚴

也

成周官制圖序

唐虞三代建官之制職事分于下而權綱合于上非
泛然而無統也四岳通內外之官羲和之長也羲和

此義最要
則則在
其外矣

則實聽于四岳。百揆宰相之職。百官之長也。九官則
實聽於百揆。百揆統九官。四岳統羲和四子。比
附聯絡。天下之治。雖非一二人爲之。而實一二人能
使之。成周之制亦然。三百六十屬聽命於六卿。而六
卿聽命于冢宰。冢宰實三公兼之。渙散分析之中。而
有比附聯屬之勢。古者三公無官。惟與天子坐而論
道。故設六卿以分主六典。而三公實統之。三公既兼
冢宰。則六卿之大典。非冢宰而誰建耶。此事權之所
以合于一。而國家所以無多門之政。自漢以來。則失
之矣。有三公。又有九卿。而丞相御史未嘗行九卿事。

觀武帝時桑弘羊等致利王溫舒之屬峻法倪寬等

推文學九卿更進用事世子謂問然于論道耶不關決於丞相而大臣之權

盡去矣幽王不道二雅交譏而並刺之然皇父作相

而內宰膳夫內史師氏猶得其人向使幽王之不淫

其色夫豈不能遏豔妻之煽哉巷伯之雅所謂萋非

成貝錦哆侈成南箕乃寺人之賢者傷於讒而爲世

德下傳家法猶未盡壞若內若外若小若大猶遘其

選而擇其賢乃如成王周公親繼文武之志其事固

可知也是以論太宰之兼統內外當自小宰宰夫始

齊家治國又自文王之家法始總論太宰兼行六官通理王內

百官府 六鄉 六遂 縣 都 邦國

冢 七大事並三歲大
宰 大宰提等計群吏
他官從之之治
百官廢誅賞

治 司從王民終歲終令六卿
司 並由司徒之吏督之政
徒 教法比法並致事稱國中
司 徒為主六四郊都鄙夫

治 六卿受法 家九比之數
宗 預相之事葉宗頒祀于
伯 而為上相葉宗卿邑
禮 而下並不得先
禮 禮樂之事並屬
禮 春官人史掌法
以進官府之治

家宗人 鄉大夫致
頒祀于都 法于司徒
家太史掌憲于所治
則逆都鄙之國
之治

凡為邑者 都邑宗人
以還戒其
功事而誅
賞廢典之

建牧立監
並由大宰
司會周知
四國之治

大司徒凡建邦國立其社
稷其地以天下
土而分其地
小司徒大其邦國之比
要縣字邦國之地城
頒祀于邦國
內史掌邦國都鄙萬
民之治令
太史掌六典受邦國
之治

咸 官 六

百 統

官 府 畿 內 外 圖

司馬	政	司	寇	刑	司	圖
辨正論才大射簡 司馬為主軍族民 之事大宰為上 將軍宰以下以 次為別將	誓戒辟法鄉士掌 盟約大事鄉刑 前王並屯	大司寇他 官不得參 刑罰並屬 秋官	役事考畿內鄉遂 巧並同都鄙治水 空為王役事並屬 司空	事		
六遂賞量人 地都鄙	縣士掌 遂上掌 遂刑	朝大夫八則都 掌都家十掌邦 之治家治	士掌家 上治			
其國與 其守	都邑治 三族積土任而建 其國與 其守	小司寇掌群士 四方布憲掌憲邦之 則掌都鄉 年大比以萬民之數 司發大行人掌諸侯 事之禮小行人掌邦 之故行去來寄望 下之治	四瀆決九川 距四海濬汭澮 距川巡狩之禮 大封世執其功			

六官分治鄉遂都鄙邦國圖

大	師	公	大	傅	公	大	保	公
天	地		春	夏	秋	冬		
卿	卿		卿	卿	卿	卿		

六鄉甸稍縣都侯甸男采衛要

陝以東周爲隼

陝以西爲周聖

六卿各考其屬官之治致於冢宰

六卿鄉遂大夫各

主其民而考其

六卿都家宗人各主

其禮而考其宗伯

六卿都家司馬各掌

其兵而考其司馬

六卿鄉士遂士各主

其刑而考其司寇

六卿大司各樹其禁之所

宜不遂以名其祖與其里

各掌其鄉每事爲師掌常軍制以提其振舉有事爲師居其也

九命服圖

臣小國	臣次國	臣大國	臣王朝	諸侯		王常衮衣 龍一升 九命衮 衣升龍
			二伯	上公 二王後	山	
				侯伯	鷩衣火	鷩衣
			卿		五命 鷩衣藻	
		孤	大夫	子男 附庸	四命 希衣玄衣	希衣
	卿	卿	上士	君	三命 再命	再命
卿	大夫	大夫	中士		一命 賜服衣	一命
					玄端	耗衣

尚書

四人令丞

少府

少府令四人在歲中主發文書故曰

少卿

尚書漢因秦制公卿皆因以奏事

中丞

公卿

郡守

西漢

御史中丞

領尚書事御史大夫屬官也

丞相之制

中二千石諸侯王

九卿

內朝

東漢

御史中丞

御史大夫丞

尚書

宦書

中朝

左右曹諸吏散騎中常侍給事中以上五項係加官也

京兆尹將軍司隸校尉大夫博士議郎

八編類纂

卷一百一十五

秦人變古不道無復先王之舊制然至於內外之相
屬其事則猶有可言者外之九卿如少府猶得置尚
書在內主發文書而掌奏下諸事外之三公如御史
大夫猶得置中丞在內受公卿奏事而舉劾案章又
外之三十六郡如監郡者皆是御史之屬爲之猶得
以天下之利害徑達于御史大夫而大夫竟達於天
子漢興惟監郡之制變爲部刺史若夫少府之尚書
御史之中丞則一切因秦之舊而不改非因秦也蓋
因周也尚書中丞非周制而曰因周何哉秦人雖變
周之名而未嘗變周之意漢亦惟存周之意而不暇

復周之名。以百官公卿表觀之。少府屬官自尚書而下。有符節大醫大官湯官有東西織室有庖人主長丞有上林十池監以。至中書謁者黃門內盾尚方御府永巷內者。宦者皆屬於少府。又復以司府永巷倉廩祠祀食官宦官分屬於大長秋御史大夫屬官有兩丞。一曰中丞。在殿中蘭臺掌圖籍秘書權尊勢重。與人主親近。事下中丞。則中丞白之大夫。大夫白之丞相。是。中丞在內。丞相御史在外。外得以統內也。內領侍御史。外督部刺史。刺史掌奏詔例察州郡治狀黜陟能否。以六條問事。而奏事復上於中丞。是部刺

史。在。外。中。丞。在。內。內。得。以。統。外。也。要。之。漢。之。官。制。三。公。九。卿。雖。列。職。于。外。而。皆。有。屬。在。內。以。周。官。之。遺。意。求。之。則。丞。相。猶。大。宰。也。御。史。大。夫。猶。小。宰。也。御。史。之。中。丞。少。府。之。尚。書。猶。宰。夫。也。少。府。之。下。又。有。大。長。秋。猶。內。宰。也。大。長。秋。屬。少。府。少。府。中。丞。屬。丞。相。御。史。是。秦。與。漢。之。制。皆。近。於。周。之。制。也。不。特。此。也。高。帝。之。世。御。史。大。夫。周。昌。常。燕。見。奏。事。見。高。帝。擁。戚。姬。呂。后。之。世。審。食。其。爲。相。監。宮。中。如。郎。中。令。公。卿。百。官。皆。因。之。以。奏。事。武。帝。之。世。丞。相。公。孫。弘。亦。得。數。宴。見。上。或。時。不。冠。非。禮。貌。大。臣。之。意。然。亦。可。見。其。洞。然。無。內。外。之。

限矣。夫是以閹臣雖寵。丞相猶得以檄君而詰責。而大長秋中常侍。猶參用士人而爲之。自武帝晚年。宴游內廷。出不復與士大夫接。用宦者主中書。而典尚書之章奏。尚書之官。於是乎廢矣。旣以中書居中而受事。又置諸吏居中而舉法。故當時奏下諸事。自中書遞送兩府。自兩府下九卿。自九卿下郡國。而不由中丞中丞之官。於是不得居中制事。而內之侍御史。外之部刺史。併廢矣。將軍列侯而下。皆得加官。而丞相御史獨不加名。曰尊之而實疎外之。於是丞相御史無復有至內庭者矣。末年以霍光爲大司馬領

尚書事。宜若內外合爲一。然已非丞相職任。儼然號稱內朝。而併奪丞相御史之權。昌邑之廢。丞相楊敞不及與議。不惟不得至內庭。且不復預內庭之事矣。夫宦官典中書之任。中丞無制事之權。三公無加官之號。大將軍領內書之職。霍光告車千秋所謂令光治內。君侯治外。內外朝判然如此。此漢治之所由以盛衰也。宣帝中興。復遵漢初之制。魏相爲御史大夫。外則遣丞相掾吏案事郡國。而不遣中使。內則奉封事。而不經尚書去副封。而不令壅蔽。加給事中而得宴見言事。是以霍山方秉樞機。相乃訟言其過。杜延

吳寧州

觀其上月

李奏亦論
運之通意

年居中用事。相乃列奏其奸。中外之政復合爲一。然
猶未知復中丞之權。元帝以來。石顯用事。丞相之權
復去而盡。歸於尚書。哀平之際。又歸外戚。紀綱散壞。
內外不足以相統。而西漢遂趨於亡。光武懲外戚之
用事。憤大臣之竊命。於是取三公之官以爲閒職。而
取尚書中丞專委任之。以爲臺閣之長。以舉法歸中
丞。而以奏事歸尚書。二官雖復用事。然疎外庭而親
內庭矣。舍大臣而近小臣矣。置三公而事歸臺閣矣。
變前世參用士人之制。而專任奴僕薰腐之餘矣。威
靈之季。御史之權盡移於尚書。尚書之權又移於宦

官尚書宦官合爲一黨而宰相踈隔於外御史緘默於內是以太尉楊秉奏候覽而尚書召秉掾屬詰之曰設官分職各有司存三公統外御史察內當是時也御史豈真得以察內耶事權之失已久小人徒借察內之名以自便耳蓋自古外內之不相屬未有若東漢之甚者也而其源實始於光武極其源而論之則又始於武帝使武帝不改漢初之制以三公九卿在外而以中丞尚書在內內外相屬而關節脉理相應則漢之制周官太宰之制也奈何快意於法度之外使內外事權分裂四出而不專領於大臣其未流

遂以若此極也。蓋常觀之。自出納之職。不領於大臣。而宰夫之官。遂去爲尚書之任。尚書中書迭用事。而霍光之權重。弘恭石顯之事起。尚書中書之形成矣。自宿衛之親人。不領於大臣。而宮正宮伯之官。遂去爲光祿勳之任。光祿勳之屬。日益親。而門下遂爲省。加官遂爲司。侍中遂爲宰相矣。自供奉之近習。不領于大臣。而膳夫而下。掌次而上。遂去爲少府太常之任。此其極也。門下太僕之司。又分爲殿中省。爲內諸司使矣。以至王府財用之司。旣非大臣之所與聞。則漢鴻都之賣爵。唐靈林大盈之名庫。夫誰得而檢之。

女寵近習之嬖。既非大臣之所與聞，則母后臨政，下令不出房閨，國命寄之刑人，或冒侯爵之封，夫誰得而制之？統論秦漢官職廢置

秦官爵等差

秦制爵二十等以賞功勞

其十八等自大庶長以下又似官也

其帥人

皆更率也有功賜則在吏之側自公大夫以上令丞

與亢禮

言從公大夫以上與令丞亢禮亢當也言高下相當無所卑屈也

漢官秩差次

一漢並有秦二十等爵然以為功勞之賞非但秩也丞相大尉司徒

司空大將軍諸侯王國官不在此目

御史大夫

太常

光祿

太常

光祿

衛尉 太僕 廷尉 大鴻臚 宗正 大司農

少府 執金吾○二千石月百二十斛亦日真二千石 太子太

傅 少傅 將作太監 太子詹事 大長秋 典屬

國 水衛都尉 京兆尹 左馮翊 右扶風

司隸校尉 城門校尉 中壘校尉 屯騎校尉

步兵校尉 越騎校尉 屯騎校尉 長水校尉

胡騎校尉 射聲校尉 虎賁校尉 州牧 郡太

守○比二千石月百 丞相司置 光祿大夫 光

祿中郎五官左右三將 光祿虎賁中郎將 光祿

中郎將騎都尉 西域都護副校尉 奉車都尉

駙馬都尉

郡尉○千石

月八斛

丞相長史

大司

馬長史

御史中丞

更名御史長史

前後左右將軍長史

大常丞

衛尉丞

光祿勳丞

太僕丞

廷尉

左右監

大鴻臚丞

宗正丞

大司農丞

少府

丞

執金吾丞

太子衛率

萬戶以上縣令○比

千石

光祿大中大夫

光祿郎中車戶騎三將

光祿謁者僕射

光祿虎賁郎將○八百石

太子

家令○比八百石

光祿勳諫大夫○六百石

月七斛

衛尉公車司馬令

衛士令

旅賁令

廷尉左

名平

太子門大夫

太子庶子

將作大匠丞

太子詹事丞 水衡都尉丞 京兆尹丞 左馮翊

丞 右扶風丞 州刺史郡丞 郡長史 郡尉丞

次萬戶以上縣令○比六百石月六 太常太卜

博士 光郎議郎中郎 光祿謁者掌賓讚受事員

西域都護丞 司馬侯○五百石武帝除 減萬戶縣

長○四百石月四十五斛自四百石至二百石為長史 太子中盾

萬戶以上縣丞○比四百石 光祿侍郎○三百石

月四 次減萬戶縣長○比三百石月三十 光祿

郎中○二百石月三十 萬戶以上縣尉 次萬戶以

上縣尉 減萬戶縣尉○百石自百石已下計食秩為少吏

右漢吏員自佐史至丞相凡十三萬二百八十五人

哀帝時官數

命數未詳

漢魏以降逮于周官研覈莫辨令約其本史聊存一代之制

後漢官秩差次

太傅三公大將軍驃騎大將軍並不在此目

中二千石

月百八十斛

太常

光祿勳

衛尉

太僕

廷尉

大鴻臚

宗正

大司農

少府

執金

吾

計云此二千石

太子太傅

河南尹

京兆尹

左馮

翊

右扶風

○二千石

月百二十斛

度遼將軍

大長

秋

太子少傅

將作大匠

司隸校尉

州牧凡

州所監

都爲京都置尹

郡太守

皇子封王國

相

皇子封王國御史大夫及諸卿○比二千

石

斛月百

都護將軍

大將軍營五部校尉

光祿

五官中郎將

光祿左中郎將

光祿右中郎將

光郎虎賁中郎將

光祿羽林中郎將

光祿奉車

都尉

光祿駙馬都尉

光祿騎都尉

光祿大夫

少府侍中

少府中常侍

城門校尉

北軍屯

騎校尉

北軍越騎校尉

北軍步兵校尉

北軍

長水校尉

北軍射聲校尉

每王屬國都尉

護

都樞校尉

護羌校尉

皇子封王國中尉

○千石

月八十斛

太傅長史

太尉長史

司徒長史

司空

長史

大將軍長史

光祿大夫

廷尉正

監史 少府中常侍 少府尚書令 少府御史中

丞 太子家令 大長秋中宮僕 太子率更令太

子僕 城門司馬 城門平屯司馬 北軍屯騎校

尉司馬 北軍射聲校尉司馬 北軍越騎校尉司

馬 北軍步兵校尉司馬 北軍射聲校尉司 北

軍長水校尉司馬 胡騎司馬 右扶風京兆尹大

縣令 雒陽縣令 皇太子封王國郎 中令僕

○比千石 大將軍司馬 太常光祿丞 光祿謁

者僕射 衛尉丞 衛尉宮 掖門司馬 太僕丞

鴻臚丞 宗正丞 司農丞 少府丞 使匈奴

中郎將 執金吾丞○六百石 大將軍從事中郎
度遠將軍長史 度遠將軍司馬 太常贊饗
太常太史令 太常博士祭酒 太常大祝令 太
常大宰令 太常太子樂令 太常高廟令 太常
光武廟令 太常前帝陵每園令 太常先帝陵每
陵食官令 光祿左右僕射 左右陸長 光祿羽
林左監 光祿羽林右監 光祿中散大夫 光祿
諫議大夫 光祿議郎 光祿常侍謁者公府掾
尉衛公車司馬令 衛尉南宮衛士令 衛尉北軍
衛士令 御尉左右都侯 太僕考公令 太僕車

府令 太僕未央廐令 宗正諸公主每主主康令

宗正諸公主每主主簿僕 私府長大司農僕丞

大司農太倉令 大司農平準令 大司農導官令

少府太醫令 少府大官令 少府守宮令 少

府給事黃門侍郎 少府上林苑令 少府小黃門

侍郎 少府小黃門令 少府中黃門冗從僕射

少府掖廷令 少府未巷令 少府衛府令 少府

祠祀令 少府鈞質令 少府濯龍監 少府中藏

府令 少府內謁者令 少府尚方令 少府尚書

僕射 少府尚書令 少府符節 少府治書侍御

史 少府侍御史 執金吾武庫令 大長秋丞

大長秋中書謁者令 大長秋中官尚書 大長秋

中官私府令 大長秋中官永巷令 大長秋中官

黃門冗從僕射 大長秋虎賁官騎下中宮官者令

太子倉令 太子食令 太子門大夫 太子中

庶子 將作丞 將作左校令 將作右校令城門

每門侯 北軍中侯 州刺史 左扶風京兆每次

縣令 護烏桓校尉擁節長史 司馬 護羌校尉

擁節長史 司馬○比六百石 月六十斛又 大將軍

與軍侯 光祿五官中郎 光祿左右中郎 光祿

虎賁中郎 光祿常侍謁者 太子洗馬 皇子封

王國治書○四百石月五十斛又云四十五斛 光祿給事謁者

少府大官丞 少府黃門署長 畫室署長 內

署長 少府直里監 少府尚書左右丞 少府侍

郎 大司農雒陽市長大長秋中宮藥長 太子庶

子 太子廐長 太子中盾 太子衛率 右扶風

京兆尹次縣長 雒陽縣丞 皇太子封國禮樂長

衛士長 醫士長 永巷長 祠祀長○比四百

石月四十五斛後漢官制云四十斛 大尉東西曹祿 光祿五官侍

郎 光祿左右侍郎 光祿虎賁侍郎 皇子封王

國謁者○三百石

月四斛

太常先帝陵每陵食監丞

宗正諸公主每主家丞

少府鉤盾丞

永安丞

鴻臚大行治禮郎

大司農丞

楫讓擢丞

右

扶風京兆每小縣長

侯國相○比三百石

月二十七斛

大尉諸曹餘掾

光祿五官郎中

光祿左右虎賁

郎中

光祿羽林濯謁者郎中

少府中黃門○二

百石

月三十斛

太常大史丞

明堂及靈臺丞

衛尉

吏太僕

文學吏

少府文學吏

少府苑中丞

右史南園丞

少府令史

少府符節令史

廷

尉史

鴻臚吏

宗正吏

大司農直丞

大司農

雒陽 市丞 執金吾吏 太子舍人 河南尹員

外 皇子封王國郎中○比二百石月廿七斛 大將軍

屯長大尉屬 光祿館從虎賁○百石月六十斛 太尉

令史中興以後不說石數 太常吏 太常大史吏 太常太子

樂吏 光祿員外太僕 衛尉文學吏 少府吏五

人百石 少府蘭臺令吏 鴻臚文學吏 廷尉文

學吏 宗正文學吏○四人百石 大司農文學吏

大司農雒陽市吏 執金吾文學吏 司隸校尉

州功曹從事 別駕簿曹兵曹從事其餘部群國從事并部有也

州曹曹諸掾 河南尹公右平吏 雒陽員外

卿有秩三老○斗石

月一斛

太常明堂員吏

太僕

卿大鴻臚卿員吏

大司農雒陽市吏雒陽令吏

少府卿執金吾各員吏

佐史

月八斛

太常佐

太

常大祝佐

太常明堂佐

光祿衛尉太僕廷尉大

鴻臚佐

大鴻臚大行令佐

宗正佐

大司農佐

雒陽中佐

執金吾佐

少府佐

雒陽縣佐吏

後漢内外文武官七千五百六十七人内外諸

司職掌人一十四萬五千四百一十九人都計

内外官及職掌人十五萬二千九百八十六人

其内有里魁里數及命數未詳按成周命數與

相可以
治天下御
史可以副

兩漢石祿皆所以辨官位之高卑也自魏以後
始有九品之制至梁分爲十八班後魏以九品
分正從而隋唐以來因之宇文周又以九命分
正從皆十八等而歷代率不能易之矣

漢興制官多仍秦舊取趨時便事初置一相曰相國
掌承天子理萬幾制御史大夫副之而太尉主南北
軍護諸軍皆秦官孝惠呂后時置左右相奪太尉權
畀諸呂掌南北軍而亂作丞相平太尉勃相與協計
謀誅之則將相和會之力也至武帝時又有大司馬
將軍之號後霍光以大司馬領尚書事於是大司馬

至如后世
之中外

呂后奪其
權以與人
光武奪其
權以自與
符非也

至諸騎諸史筦機要者爲中朝官。自丞相而下至六百石爲外朝官。迨光受遺輔政。丞相獨建空名于上。而事皆取決於大將軍矣。世祖中興。憤數世之失柄。罷丞相。御史大夫太尉官不置。踵西漢末設大司徒大司馬大司徒爲三公。尋改司馬爲太尉。名三公爲宰相。然獨任以綜庶政。下親吏事實奪其權。是初惟丞相太尉並列爲將相。後御史大夫與相稱兩府。而罷太尉官。其太尉爲大將軍。兼國東漢則三公爲相。而邦事專筦於尚書。古重論道相兼道與法而有之。後天下政務筦於章奏。乃權在御史已。遂爲尚書中。

書而兵權所在威重莫比故大將軍重焉周官道揆
法紀之通意蕩然盡矣漢九卿曰奉常曰光祿勳曰
衛尉曰太僕曰廷尉曰大鴻臚曰宗正曰大司農曰
少府其外有中尉皆中二千石丞皆千石而漢世中
二千石咸稱卿大都漢官制有爵有職官又有加官
自公士至微侯凡二十級曰爵自丞相御史而下中
朝內朝外朝官下至守令丞曰職官有二千石而上
有比者真者中者它者盡有試者行者守者中二千
石京兆官最尊真次之比又次之守爲廷擢行爲權
試則試職必滿歲稱乃爲真而漢世官吏多久任

惟邊吏三歲一更均勞逸焉

唐官秩

正一品 諸國王 太傅 太保 太尉 司徒

司空 太師○諸將軍左右光祿開府議同三司 國公 驃騎

大將軍 郡王 太子太師太傅太保 嗣王○王

二品 特進郡公 輔國大將軍 上柱國○從三

品尚書左右僕射 縣公 都督 太子少師少傅

少保 大都護 光祿大夫 鎮國大將軍 柱國

○正三品侍中諸尚書 中書監令 太子詹事

金紫光祿大夫 太常卿 左右衛將軍中都督

右左武衛武侯大將軍 左右賓客 左右驍驍威

衛領軍衛金吾衛監門衛等大將軍 冠軍大將軍 懷化大將

軍 上護軍○從三品國子祭酒散騎常侍將作大

匠 御史大夫 秘書監 殿中監 光祿衛尉宗

正太僕大理鴻臚司農太府卿 少府監 諸繡羽

林千牛將軍 下都督 上州刺史 大都督府長

史 副都護親王傳 銀青光祿大夫 開國侯

雲麾將軍 歸德將軍 護軍○正四品 黃門侍

郎 太子左右衛率 中書侍郎 尚書左右丞

尚書吏部侍郎 開國縣伯 中州刺史 太子左

右庶子 太常少卿 太子詹事 左右司禦

右清道 下州刺史 左右監門率府率 軍器監

上都護府 副都護 上府折衝都尉 正議大

夫 忠武將軍 上輕車都尉 尚書中司侍郎

太子左右諭德 通議大夫 親勳翊衛羽林中郎

將 左右千牛衛左右監門衛中郎將 壯武將軍

○從四品 太子左右衛副率 左右宗尉副率

左右內副率 左右監門率 親王府長史司馬

內侍 秘書少監 人寺少監 殿中少監 太子

親勳翊衛中郎將 上都護府長史 太中大夫

宣威將軍 輕車都尉 國子司業 少府將作少

監 京兆河南大原府少尹 大都督大都護府親

王府司馬 上州別駕 中州折衝都尉 中大夫

○正五品 給事中 中散大夫 太子中舍人

開國縣子 國子博士 尚食尚藥典御 長安萬

年令 內常侍 諫議大夫 御史中丞 中書舍

人 太子中允 左右贊善大夫 都水使者 河

南洛陽太原晉陽奉先縣令 親勲翊衛羽林郎將

中都督 上都護府長史司馬 親王府典軍

定遠寧遠將軍 上騎都尉 中州別駕 朝議大

夫 下府折衝都尉○從五品 著作郎 太子洗
馬奉車都尉 中給事中 駙馬都尉 親王友
秘書丞 殿中丞 尚書左右司諸司郎中 尚衣
尚舍尚乘尚輦奉御 下都督府上州刺史 下州
別駕 游騎游擊將軍 武散騎都尉 朝諸大夫
大理正 太常太史丞 太子典內 上牧監
下都府上州司馬 宮苑總監 朝散大夫 上府
果毅都尉○正六品皇太子文學治書侍御史諮議
叅軍事 大學博士 太子詹事丞 太子司議郎
中州長史 太子興膳藥藏郎 京兆河南太原

畿縣丞 諸州上中下縣令丞 承直儒林 文林
從事從政修職郎 兩赤縣主簿尉 節度副使行
軍司馬 諸府諸曹節鎮上州諸事叅軍事 防禦
團練副使 太史局承直長○正九品諸承事承奉
郎 律學正 國子大字正錄 京畿縣三京赤縣
簿尉 諸州別駕長史○從九品 諸州中下縣主
簿 諸州上中下縣尉 將仕郎 承務郎 高班
黃門內品 承節承侍郎 廸功郎 中下州諸司
參軍 城寨馬監主簿 諸州司士文學助教 翰

○右宋官秩載在文獻通考如三公三少左右丞相知樞密叅知同知簽書俱執政官上資政殿學士曾任執政者班序雜壓並在六曹尚書之上觀文殿大學士至敷文閣侍制俱侍從官常聞史如侍中尚書令煥章閣及運使提刑提舉總領經略制置安撫以至巡檢監鎮監務俱未之載故其品秩俱不及詳或沿革不同因事而設茲有所遺耶宋朝舊官制文臣則兼帶階勳卽自武騎尉至上柱國十二轉是也武臣則兼帶舊勳階憲銜檢校官四色憲銜自監察御史

右補闕 大學助教 門下省錄事尚書都事 中

書省主簿 將作國子監九等主簿 太子詹事主

簿 都水監丞 諸州中下縣令 親王府東西閣

祭酒 京縣丞 督護府錄事叅軍 中府別將長

史 朝散郎武駙尉 太史局丞 御史臺少府

上署令 掖庭宮闈局令 太廟諸陵署丞 上州

諸府叅軍 諸率府左右中候 諸折衝府校尉

宣議郎 正八品 中州錄事 叅軍 協律郎 辨

郎 監察御史 諸衛羽林錄事 叅軍 中署令

主簿 上牧丞 給事郎 節宣校尉 副尉

下署令 中州諸司叅軍 京兆河南太原諸縣

丞 靈臺郎 上戍主 諸衛左右司戈 徵事郎

○從八品 內謁者監 上關令 左右拾遺 四

門助教 中牧監丞 京縣主簿 中都督上都護

府叅軍 保章正 京兆河南太原府大都督府博

士 承奉郎 大理評事 律學博士太子左右奉

太子儔身下州諸司叅軍 都水監主簿 上署丞

親王國隊正大農 公主家丞 中書門下尚書都

省兵部吏部考功禮部主事 京縣尉 諸中縣丞

諸屯監丞 上府兵曹 挈壺正 承務郎○正

九品 大祝令 校書郎 嶽賓令 諸津令 下

牧監丞 諸州中下縣丞 中下州博士 儒林郎

京兆河南太原府諸縣主簿縣尉 仁勇校尉副

尉 正字 太子校書 下署令 司庫司廩 太

史局司底 太子三寺主簿 詹事府錄事 下縣

丞上縣主簿 中州叅軍 中關令中州兵曹 親

王國尉 上關丞 諸折衝隊正 登仕郎○從九

品 大夫曹司 奉禮郎律學助教 弘文館投書

中州諸下縣主 諸州上中下縣尉 下府兵曹

曹 文林郎 大理寺獄丞 下州叅軍 中

州醫博士 京縣錄事 下關令中關丞 諸津丞

下鎮兵曹參軍 諸折衝府隊副 將仕郎

唐武德中外官無祿貞觀二年制有上考者乃給

祿其後遂定給祿俸之制以民地租充之京官正一品七

石正二品五從二品四正三品四從三

品三百正四品三百從四品二百正五品二百

從五品一百正六品一百從六品九十正七品

八十從七品七十正八品七十從八品六十正九

品五十從九品五十諸給祿者三師三公及太子

三師三少若在京國諸司文武官職事九品以上

并左右千牛備身左右太子千牛並依官給其春

夏二季春給秋冬二季秋給凡京文武官每歲給祿總一十五萬一千

五百三十三石二斗其在外文官九品以上准官

皆降京官一等給其文武在京長上者則不降給諸

祿應降等者正一品各以五十石為一等二品三

品皆以三十石為一等四品五品皆以二十石為

一等六品七品皆以十五石為一等其俸錢之制京

司諸官初置公解令行署及蕃官興易以克其俸

貞觀十二年罷公解置胥士七千人取諸州土戶

為之准防閑例而收其課三歲一更計其多少而

令給焉唐武德七年定令以太尉司徒司空為三

公尚書門下中書秘書殿中內侍爲六省次御史臺次太常光祿衛尉宗正太僕大理鴻臚司農大府爲九寺次將作監次國子學次天策上將府次左右衛左右驍衛左右領軍左右武侯左右監門左右屯左右領爲十四衛府東宮置三師三少詹事府門下典書兩坊次內坊次家令率更僕三寺次左右衛率府左右宗衛率府左右虞侯率府左右監門率府左右內率府爲十率府王公以下遂置府佐國官公主置邑司已下並爲京兆事官州縣鎮戍岳瀆關津爲外職事官貞觀改令置太師太

立法本
善

傳太保爲三師。其三公以下六省一臺三監十二
衛東宮諸司並從舊定。天下方鎮初各置大總管
府。改都督府。其後改天下爲十道。道置訪探防禦
勲陟等使。邊方謂之節度使。有兼觀察安撫兼度
支營田招討經略等使者。各置副置屬。如本使入
朝則置留後領府事。蓋權重極。而方鎮之形成矣。
唐設尚書省以統會衆務。舉持繩目門下省以侍從
獻替規駁。非宜中書省以獻納制冊敷揚宣勞。秘書
省以監錄圖書。殿中省以供修膳服。內侍省以承旨
奉引。尚書門下中書秘書
殿中內侍凡六省御史臺以肅清僚庶。九寺

久任

太常光祿衛尉宗正太僕大五監少府將作國子軍

以分理群司六軍左右羽林左右龍武左右衛左右

右驍騎左右武監門左右威左右領軍左以嚴其禁禦一

詹事府二春坊左右春坊左右三寺案令寺率更

十率左右衛左右司常左右俾又儲官牧守

督護分臨畿服京府置牧餘府州設官以經之置使

以常之按察採訪等使以理州縣節度團練等使以

下諸使無過所置自六品以下率由選曹居官者

以五歲為限夫九寺三監東宮三寺十二衛及京兆

河南府是王者之有司各勤所守以奉職焉尚書省

按舊章立程度以頒之御史臺按格令察姦濫以繩之中書門下立百司之體要察群吏之能否善績著而必進敗德聞而立貶政有恒而易守事歸本而難失經遠之理舍此奚據洎姦臣廣言利以邀恩多立使以示寵尅下民以厚歛張虛數以獻狀上心蕩而益奢人望怨而成禍使天子有司守其位而無其事愛厚祿而虛其用宇文融首唱其端揚奢矜王鉉繼遵其軌楊國忠終成其亂

唐官制
統屬

周用蘇綽議倣周禮文建六官唐因其舊立太師太傅太保曰三師太尉司徒司空曰三公然徒空名不

僕射之職即尚書取也

設官多以爲贈官親王拜者亦惟名銜立尚書門下
中書爲三省以尚書令侍中中書令爲之長共國政
析一相而三尚書爲都省門下爲左省中書爲右省其後以太宗嘗爲
尚書令臣下避不敢當已又以三省隆重中書令侍
中亦不以時授而左右僕射遂長尚書省貞觀中上
以僕射當洞開耳目訪賢才爲弘益令尚書細務悉
委於兩丞其冤濫大故當奏白者乃關請僕射及貞
觀末常以他官行相事而拜除僕射必加同平章及
叅機務乃預政而僕射亦徒擢名銜其後李勣以兵
部尚書同中書門下三品而同上品之名昉焉永淳

初郭待舉岑長倩以侍郎同中書門下平章事而平章入銜自此始終唐世不改天寶後天下多難方鎮以同平章事備位示尊重非實秉鈞衡然名實彌紊矣他官司之署曰省曰臺曰寺曰監曰衛曰府各統其屬於三省外以省稱者曰秘書曰殿中曰內侍署在省闥故具以省名御史臺御史大夫中丞爲之貳其屬三曰臺院曰殿院曰察院分十道察巡州縣九寺曰太常曰光祿曰衛尉曰宗正曰太僕曰大理曰鴻臚曰司農曰大府皆漢官五監曰國子曰少府曰將作曰軍器曰都水其衛府之制左右衛止將軍凡

親勲翊五中。郎將府及折衝所隸皆制焉。京兆三廨置牧鳳翔五府各置尹。上州州有刺史。中下州亦如之。畿縣若上中下縣亦各有令丞簿尉以其地爲秩。是時業已有員外置矣。其後又有特置同正員。若檢校兼守判知之屬。至景龍而官紀大紊。開元中天子自撰唐典判定職次。從官爲之法頒行之。於是三省統會衆務。舉持綱維。有九寺五監以分理群司。有六軍捨陸衛以嚴禁禦。有詹事府二春坊三寺十率以輔衛儲宮。有牧守督護以分臨畿外。於是百司詳密庶績從理。而六部之設迄於今倣焉。而議者頗疵其

複何也司農少府戶部之任也太常宗正禮部之職也廷尉刑也府衛兵也鴻臚光祿禮部之膳部主客也衛尉太僕兵部之駕庫也他將作少府軍器都水四監咸宜隸兵工繁複莫省矣

宋官秩

正一品 諸國王 左右丞相 太傅 太保 太師 少師 少傅 少保○從一品 諸將軍 左右光祿開府儀同三司 郡王 國公 太師 太傅 太保 嗣王 樞密使 特進○正二品 金紫光祿大夫 知樞密院事 叅知政事 同知樞

密院事 太尉 上柱國○從二品 太子少師少

傅少保柱國 銀青光祿大夫 簽書樞密院事

觀文殿大學士 御史大夫 六部尚書 左右金

吾衛左右衛上將軍 九州牧 殿前都指揮使

節度使○正三品 上護軍 觀文殿學士 資政

保和殿大學士 翰林學士承旨 翰林學士 資

政保和殿端明學士 樞密直學士 龍圖天章寶

文顯謨徽猷敷文等閣學士 左右散騎常侍 權

六曹尚書○從三品 開國侯 護軍 龍圖天章

寶文顯謨徽猷敷文等閣學士 正議通奉大夫

開封尹尚書列曹侍郎 太子賓客詹事○正四品

秘書監 開國縣伯 上輕車都尉 通議大夫

給事中 中書舍人 太常宗正卿 諸衛大將

軍 殿前副都指揮使 承宣使○從四品 大中

大夫 輕車都尉 權六曹侍郎 保和殿及龍圖

等閣侍制九寺卿 國子祭酒 少府將作監 諸

衛將軍○正五品 開國縣子 上騎都尉 中大

夫 馬步軍 都指揮副指揮使 勳德使○從五

品 駙馬都尉 中奉中散大夫 太常宗正少卿

秘書少監 太子左右庶子、樞密都承旨 殿

煎馬步軍 都虞侯 防禦使 揮日天武龍神衛

四廂都指揮使 團練使 諸州刺史 騎都尉 ①

正六品 朝議奉直大夫 集英殿修撰 七寺少

卿 中書門下省檢正諸房公事 尚書左右司郎

中 國子司業 軍器監 都水使者 太子少詹

事左右諭德 入內內侍者內侍省都知副都知

宣慶宣政昭宣使 入內內侍省內侍省押班 樞

密承旨副承旨 〇從六品 起居郎 侍御史 朝

請朝散朝奉大夫 尚書左右司員外郎 石文殿

秘閣修撰 樞密院檢詳諸房文字 開封少尹

尚書諸司郎中 開封府判官推官 少府將作軍器少監 靈臺令○正七品 朝請朝散朝奉郎 殿中侍御史 左右司諫 尚書諸司員外郎 侍講直龍圖天章寶文閣 開封府司錄叅軍事 樞密院諸房副承旨 太子侍讀侍講 兩赤縣令○從七品 承議郎 左右正言 符寶郎 監察御史 直顯謨寺閣 太常宗正秘書丞 大理正 著作郎 崇政殿說書 閣門宣贊舍人○正八品 奉議郎 通直郎 七寺丞 秘書郎 敕令所刪定官 直秘閣著作佐郎 國子監丞 諸王宮

大小學教授

國子博士大理司直評事內常侍

京府判官

開封府諸曹叅軍事京畿縣丞

三京赤縣畿縣令

中書門下省錄事尚書省都

事○從八品

宣教郎宣義郎御史台檢法官

主簿

秘書省校書郎正字太常寺奉禮郎大祝

閣門祗候

從義秉義郎太武學律博士諸

州簽判

節度觀察防禦團練軍事軍監判官

節度掌書記觀察支使

京府節度觀察防禦團

練軍事推官

節鎮上中下州錄事叅軍事

京府諸曹叅軍事

巡判官京畿縣丞三京赤縣

畿縣丞 諸州上中下縣令丞 承直儒林 文林

從事從政修職郎 兩赤縣主簿尉 節度副使行

軍司馬 諸府諸曹節鎮上州諸事參軍事 防禦

團練副使 太史局承直長○正九品諸承事承奉

郎 律學正 國子大字正錄 京畿縣三京赤縣

簿尉 諸州別駕長史○從九品 諸州中下縣主

簿 諸州上中下縣尉 將仕郎 承務郎 高班

黃門內品 承節承侍郎 廸功郎 中下州諸司

參軍 城寨馬監主簿 諸州司士文學助教 翰

學

○右宋官秩載在文獻通考如三公三少左右丞相知樞密叅知同知簽書俱執政官上資政殿學士曾任執政者班序雜壓並在六曹尚書之上觀文殿大學士至敷文閣侍制俱侍從官常閱史如侍中尚書令煥章閣及運使提刑提舉摠領經略制置安撫以至巡檢監鎮監務俱未之載故其品秩俱不及詳或沿革不同因事而設茲有所遺耶宋朝舊官制文臣則兼帶階勳卽自武騎尉至上柱國十二轉是也武臣則兼帶舊勳階憲銜檢校官四色憲銜自監察御史

至御史大夫號爲憲銜檢校自國子祭酒至三公亦唐及五代舊制也而宋朝遵之至元豐初始命置局詳定官制削去憲銜檢校官留勳十二轉

宋初官號名秩皆唐舊三公三師亦獨爲親王使相加官其特拜者不預改上于尚書省而太師爲異數其三省長官亦不授以同平章事領相職參知政事副焉而中書門下尚書省並列于外別於禁中置中書政事堂與樞密院爲兩府天下則賦若內麻若中外度支悉三司使領之其時台省寺監無定員無事

職出入分蒞而卽所蒞爲職司以課職而考功百司
庶府皆得以其職自達中書樞密院爲奏覆畫一下
而行之官司相承無損于治然是時三省六曹二十
四司互以他官典領其正官特以寓祿秩位著非別
敕不治本司事事之所寄十無二三惟內侍省閣門
省四方館略有職掌它無所典署故以登臺閣任禁
從爲榮以差遣要劇爲貴而階勲爵邑無能重輕名
實混貿甚矣神宗覽唐六典慨然欲酌古今之宜改
官制幕以賜群臣乃置局中書考故實釐定制三省
準唐尚書令侍中中書令亦不授以左右僕射爲宰

相中書揆議門下審覆而尚書宜行之它諸省臺寺
監各還其職司會明堂禮成詔以新制遷敘尚書新
省成上親臨幸召六曹長貳而下詢職事申敕而異
時試攝判知差遣之弊廓然矣然其時參政確以王
珪首相妨已欲傾之建白以左僕射兼門下侍郎行
侍中之職右僕射兼中書侍郎行中書令之職於是
本六典中書造命之說已得以次相筦機務承旨奏
事而左僕射以門下不得與實擯珪而奪之權其內
降制勅及中外復逆本三省定奪取旨下已稱中書
駁密徒虛文而行遣顧璿關元祐中司馬呂相繼柄

國乃請令三省復合班奏事。明同心共政之義。其後
蔡京當國更開封守臣爲尹牧。府分六曹。縣分六案。
修六尚局。建三衙郎。又更兩省長官爲輔弼。而易左
右僕射以太宰少宰名官。諸皆釐正。然而亂政亟行。
晚罷政。復令其黨建白。古太師太傅太保爲三公。今
乃稱三師。司徒司空周六卿。太尉秦主兵之官。今覆
爲三公。非制也。宜復古。三公爲真相。三孤少師少傅
少保爲次相。蓋一復周官之舊。而京乃復以太師三
日一至都堂治事。復柄國毒痛于天下。乃其時鄆王
肅王以皇子童貫以中人皆得官師傳。諸嬖倖走馬

承授得擁使節方士黃冠畢玷清班則壞弊極矣建
炎初復國初同平章事叅知政事之舊乾道初更爲
左右相而建設非人亦將如官何哉

宋官制
總論

宋官制

三 尚書省

六

禮祠膳主

刑都北門

九

太常 宗正

五國子監

諸監

吏封勲考

光祿 衛尉

軍器監

司諸

又名二

司農

將作監

路諸

十四司

大府

少府監

州縣

戶度金倉

寺

大理

監都少監

職官

兵職駕庫

鴻臚

工屯虞水

太僕

省門下省

部

中書省

按以宰相而兼他官本非令典唐制所謂反輕宰相之體是也然時方用兵則兼節度使崇儒學則爲太學士急財用則爲鹽鐵轉運使蓋以國家方重其事而以宰相提綱則下不敢以泛泛之司存視之猶有說也至於三省則俱爲政本之地無所不統長官則宰相所謂中書門下同平章事是也佐官則參知政事是也元豐改官制旣以中書門下同平章事爲左右僕射叅知政事爲中書門下侍郎尚書左右丞矣而復以左僕射兼門下侍郎右僕射兼中書侍郎則是旣自有佐官而復出長官兼之贅寵甚矣節度使

在唐爲閫帥。觀察團練使。在唐爲監司。防禦使。在唐爲邊將。刺史。在唐爲郡守。至宋則閫帥監司。邊將郡守。各別有以名其官。而節度承宣觀察團練防禦刺史。則俱無職任。特以爲武臣遷轉之次。州之名起於虞。十有二州。後世刺史之所治是也。郡之名起于秦。三十六郡。後世太守之所治是也。隋廢郡以州統縣。然郡卒不可廢也。至唐而復之。然唐太守俱稱刺史。使持節。蓋所治者太守之事。而所稱則州牧之官矣。故所謂治中別駕之屬。其在歷代本州之佐官也。唐郡守稱刺史。而遂以治中別駕爲郡官屬矣。然唐州

繁稱

牧之官爲節度觀察諸使而其屬官則有推官判官書記支使之屬至宋而節度觀察特爲貴官之虛名初不預方岳之事而州牧之任則自有闡帥漕憲等官而各臺又自有掾屬若唐節度觀察之屬官則反爲列郡之元僚蓋雖冒以節度推官觀察推官判官書記支使等名而實則郡僚耳

宋官制論

嘗考之唐宋建官名乖職冗太師太傅太保謂之三師太尉司徒司空謂之三公中書門下尚書謂之三省御史大夫中書門下謂之三司左右散騎常侍分屬門下中書規諷獻納謂之八貂

左屬門下則左貂右屬中書則右貂

宰相帶平章事自唐優李靖始平章軍國重事自宋
禮王旦始留守典宮鑰之嚴節度當方維之重觀察
任激揚之等轉運專漕計之司其元帥副元帥宣尉
宣撫安撫招討諸使制閫臨邊不恒置焉六曹寺監
小異而大同也侍從臺諫名殊而實一也宋之冗比
唐尤甚三省平章職皆宰相而中書與樞密又稱兩
府分主兵民一制誥也而學士而舍人並稱兩制學士
掌內制舍人掌外制一秘書也而三館昭文館集賢院史館而秘閣而秘
書省一御史也而侍御而殿中而監察侍御史稱台御史稱殿院監察御史而裏行監察御史裏行以檢校

史稱殿院監察御史而裏行即令之試御史以檢校
稱察院號曰三院

官兼中書令侍中同平章事官階極品並謂使相不
以使相與曹斌者此也以節度使同平章事任尊將
相亦謂使相寇準使相判河南者此也其掌國計有
三司使此三司謂鹽鐵使戶部度支也置使領之號三司使掌殿庭宣荅有宣
徽南北二院使掌祖宗宸翰有龍圖諸閣之官直秘
殿有觀文端明諸殿大學士其判府知州以宰執侍
從其監司有轉運提舉提刑諸名宋制然也洪惟
聖祖倣周監漢不置宰相三公論道六卿分職糾之
以都察院達之以通政司叅之以大理寺列以寺監
錯以百司文事悉歸翰苑耳目專任臺諫體統專而

名實得矣。若殿閣大學士論思密勿官止五品。修撰編修皆得入閣。地之峻而秩之卑者。慮誠遠也。其後閣下多由尚書例加公孤。禮絕任崇。無異宰相。而天下亦以相稱之。此最失祖宗之意者。今制然也。唐宋官制

總述

晉在成周設官分職。綴衣趣馬俱籲俊之流。宮伯內宰盡與賢之侶。逮夫漢代。此意猶存。故以儒者爲侍中。以賢士備郎署。如周昌袁盎汲黯孔安國之徒。得以出入宮禁。陪侍宴私。陳誼格非。拾遺補過。其才能卓異者。至爲公卿將相。爲國家任大事。霍光張安世

是也。中漢以來，非閹豎嬖倖，不得以日侍宮庭而賢能縉紳，特以之備員表署。漢有宮中府中之分，唐有南司北司之黨。職掌不相爲謀，品流亦復殊異，而官之内外始分矣。有侍中給事中之官，而未嘗司宮禁之事，是名內而實外也。有太尉司馬之官，而未嘗司兵戎之事，是名武而實文也。太常有卿佐，而未嘗審音樂，將作有監貳，而未嘗諳營繕，不過爲儒臣養望之官，是名濁而實清也。尚書令在漢爲司牘小吏，而後世則爲大臣所不敢當之尊官。校尉在漢爲兵師要職，而後世則爲武弁所不齒之冗秩。蓋官之名同

而古今之崇卑懸絕如此

歷代官職總論

周之官制非至秦而始變也蘇秦爲國相許歷爲國尉孫龐仕魏爲將軍而馮賈亦爲魏中大夫吳起守西河馮亭守上黨西門豹令鄴荀卿令蘭陵是則守令將相之名在戰國則已然特至秦而始定耳秦漢侍衛之士謂之侍郎而近世居從橐之尊秦漢出入禁闕謂之侍中而近世爲三省之長秦漢僕射之職甚卑而近世以爲宰相之任其升降輕重雖不同第顧其所任之人與夫所以爲民之意如何耳

歷代官制變革

封建則事要而官簡郡縣則事煩而官冗也周之官

簡矣復以三公兼冢宰以三孤列九卿則其制爲益
簡民胡得而不安秦漢以來官冗矣既有三公復有
三師既有三省復有六曹既有九寺復有七監則其
制爲益冗民胡得而不病哉

歷代官
名沿革

周官九命漢自中二千石至百石凡十六等後漢自
中二千石至斗食凡十三等魏秩次多因漢制更制
九品晉宋齊並因之梁因之更制十八班班多爲貴
陳並因之後魏制九品品各置從凡十八品自四品
以下每品分爲上下階北齊並因之後周置九命每
命分以爲上凡十八命隋置九品品各有從自四品

以下每品分爲上下凡三十階自太師始焉謂之流

內流內自此始焉

煬帝除上下階惟留正從各九品

又置視正二品

至九品各有從自行臺尚書令始焉謂之視流內視

流內自此始唐自流內以上並因隋制又置視正五

品從七品以署降寶及正祿謂之視流內又置勳品

九品自諸衛錄事及五省令史始焉謂之流外流外

自此始

勳品自齊梁卽有之